



Isak Johannesen
Inatsisartuni ilaasortaq, Naleraq

Naalakkersuisup angalanera pillugu § 37 naapertorlugu apeqqummut 110/2026- imut akissuteqaat

23-06-2026
Sagsnr. 2026 - 3567
Akt nr. 26610151

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Isak Johannesen

Inatsisartut suleriaasianni § 37, imm. 1 naapertorlugu Naalakkersuisunut apeqquqteqarputit. Apeqqutit uannut akisassanngorlugit innersuussutigineqartut qujassutigaaakka. Apeqqutit issuarneqarput tamatumalu kingorna akineqarlutik.

Apeqqut 1: Ilinniartitaanermut, Kultureqarnermut, Timersornermut Ilageeqarnermullu Naalakkersuisoq 11-15 Juni angalasimasoq?

Akissut: Ulluni 8-12. juni sulinnut atatillugu angalavunga.

Apeqqut 2: Sumut angalanikuugami?

Akissut: Island-imut angalavunga, ukua ornillugit:

- Bifröst University
- Ministeriet for Kultur, Innovation og Videregående Uddannelse
- Verkmenntaskólinn á Akureyri
- University of Akureyri

Apeqqut 3: Kikkut sulerisullu angalaqatigai?

Akissut: Naalakkersuisoqarfimmi pisortaq allatsigalu angalaqatigaakka.

Apeqqut 4: Angalanermut suna siunertaasimava?

Akissut: Angalanerup siunertaa tassaavoq Kalaallit Nunaanni alimasissumik ilinniartitsinerup ineriartortinneqarneranut atatillugu ilisimasanik isumassarsiorfissanik katersineq. Naalakkersuisut aamma naalakkersuisoqatigiinnissaminnut isumaqatigiissuteqartut alimasissumik ilinniartitsinerup nukittorsarneqarnissaa immikkut ukkatarat, tamatumani ilanngullugit ilinniartitaanerup periarfissai allanngorartut kiisalu nunap immikkoortuini assigiinngitsuni najugaqaraluarluni ilinniarnissamut periarfissat pitsaanerulersinneqarnissaat.

Tamatuma saniatigut siusinnerusukkut Ilisimatusarfiup aqutsisoqarfianik naapitsivunga, tassani aamma alimasissumik ilinniartitsinerup ineriartortinneqarnissaa pillugu pisariaqartitsineq saqqummiunneqarpoq. Tassani ilaatigut oqaatigineqarpoq Islandimi suliniutit assigiinngitsut aallartinneqarsimasut, Kalaallit Nunaat taakku aqutugalugit isumassarsiorfigisinnaagai.

Tamanna tunngavigalugu aalajangerpunga angalanissamik aaqquissuussissallunga, suliniutinik pineqartunik toqqaannartumik takunninnissaq tusagaqarnissarlu anguniarlugu. Angalaneq sapinngisamik piaartumik naammassinissaa aammalu Islandimi ferie aallartinginnerani ingerlanneqarnissaa qulakkeerniarlugu, angalaneq piffissami 8.–12. juni ingerlanneqarpoq.

Angalanermi suliffeqarfiit uku tikeraarneqarput:

- Bifröst University
- Kulturimut, nutaaliormut ilinniartitaanerannullu ministereqarfik
- Verkmenntaskólinn á Akureyri
- University of Akureyri

Tikeraarnerup siunertaraa ilinniartitsineq pillugu misilittakkanik paasisaqarniarneq, tassunga ilanngullugit pitsaassutsimik qulakkeerrinneq, ilinniartunik uniinnartitsinaveersaarneq aammalu ilinniartitsinermik aaqquissuussinerit allanngorartut ineriartortinneqarnerat. Paasissutissat aamma misilittakkat angalanermi pissarsiarineqartut Kalaallit Nunaanni alimasissumik ilinniartitsinerup nukittorsarneqarnissaanut suliat ingerlaqqinneranni atorineqassapput.

Apeqqut 5: *Naalackersuisut angalassatillutik nittartagartik aqutugalugu pisortatigoortumik nalunaarutigigitavaat?*

Akissut: Naalackersuisut pisussaaffiginngilaat angalassatillutik nittartagartik aqutugalugu pisortatigoortumik nalunaarutiginnissalutik. Naliginnaasumilli tamanna periarfissaqartillugu piffissaagallartillugulu nalunaarutigineqartarpoq.

Inussiarnersumik inuulluaqqusillunga


Nivi Olsen